



UNIVERSITÄTS-
BIBLIOTHEK
PADERBORN

Universitätsbibliothek Paderborn

Consultationes Theologicæ Et Spirituales Christiani verè fidelis & verè devoti ...

... De Excellentissimæ Sanctissimæ Virginis Mariæ Matris Dei

Louis François <d'Argentan>

Augustæ Vindel. ; Dilingæ, 1726

VD18 80217915

Artic. III. Omnes furiaë infernales hæresium evomuerunt rabiem suam
contra Sanctissimam Virginem, sed illa omnes interemit.

urn:nbn:de:hbz:466:1-45581

Non amplius videntur falsi Dij, vel idola in mundo,

Ubi sunt ergò nunc omnes hæc falsa Divinitates, quas & videre, & loquentes audire erat solemne? Nihil ipsarum modò amplius videtur in mundo. Sed fortassis in aliquo angulo latent absconditæ, vel dormiunt (ut joco utar Vatis Eliæ). Verùm vocate proprijs suis nominibus falsos hos Deos, & videre, an responsuri sint vobis. Ubi es modò Jupiter? Ubi estis modò, Mars, Venus, Saturnus, Pallas, Apollo, Diana? Ubi estis modò omnes? Quò devenit tota hæc falsorum Deorum, sed verorum Dæmonum, qui tantis sæculis miseris deceperunt mortales, sex & caterva? Non sunt amplius; non respondent amplius; in inferorum submersi sunt abysso. Et tu adorande JESU; Tu divina MARIA sic triumphasti de ipsis.

Gratias aguntur Sanctissimæ Virgini.

Quamobrem sanctus Cyrillus in homiliâ sextâ, quam concinnavit contra Nestorium, rependit gratias triumphanti huic Virgini, nomine totius Ecclesiæ, sic alloquens ipsam: Per te, O sanctissi-

ma Virgo, omnes homines, qui excæcati ingemiscebant sub tyrannide idolorum, aperuerunt oculos, ut pervenerunt ad cognitionem veritatis: Per te, ut mundarentur à maculis suæ idololatriæ cucurrerunt ad aquas Baptismi: Per te falsorum Deorum subversa sunt fana, & vero Deo ubivis Tempia erecta.

S. Cyrill. hom. 6. contra Nest.

Et Euthymius in pulchrâ illâ ratione, quam reliquit nobis de Zona Matris Dei, tribuit ipsi hoc elogium, per quod extollitur supra omnes mundi Victores: Sanctissima Virgo diffregit Altaria idolorum, subvertit Tempia Gentilium, & arefecit torrentes sanguineos Christianorum, qui effundebantur in omnibus partibus mundi.

Euthymius de Zona B. V. Mariæ.

Quid igitur superest, nisi ut erigamus trophæa & arcus triumphales Admirabili huic Matri, & literis apponamus aureis, vel patius radijs adscribamus solaribus. **MARIÆ INVINCIBILI VICTRICI OMNIUM FALSORUM DEORUM.**

ARGUMENTUM.

Omnes furia infernales haresum evomuerunt rabiem suam contra Sanctissimam Virginem, sed illa omnes interemit.

ARTICULUS III.

INgens profectò nobis humiliationis est argumentum, dum videmus, quòd postquam in-

fernus, omnesque Dæmones, impenderunt, quidquid habuerunt fraudis, omnes suos intenderunt **NERVOS,**

nervos, & quicquid habuerunt malitiæ, exhauerunt, ad opprimendam gloriam Sanctissimæ Virginis absque ullo effectu, crediderunt, se suum affecturos scopum per majorem quandam, quam cognovêre in hominibus, malitiam. Ita verum est, malitiam cordis humani, abripi quandòque ad criminatam nefanda, ut superent ea, quæcunque ipsi Diaboli possent unquam perpetrare; Et idè videntes superstitionem paganisimi expulsum mundo, per potentiam JESU Christi, & Sanctissimæ Matris ipsius, excitârunt hæreses, per hæreticos exequi sperantes, quod ipsimet frustra sunt machinatâ.

Ad arma, in nostrum venite auxilium, totus exclamabat infernus, post falsorum cadem Deorum: Ad arma, O homines adjuvate nos! Venite ulturi injuriam, quam JESUS Christus & MARIA intulerunt nobis, dum divinos nobis abstulerunt honores, quos exhibuerat nobis universus orbis. Olim Rex Assyriorum Nabuchodonosor, universale coëgit consilium in suo palatio, congregans omnes suos Principes, omnes suos præcipuos Consiliarios, omnes suos duces, omnesque optimates regni sui, non ut peteret ab ipsis consilium, quid sibi faciendum esset, sed, ut consilium, quod in suâ jam formaverat mente, & propositum, quod jam conceperat animo, totum nimirum orbem suo

subjugandi imperio, illis manifestaret: Dixit, que cogitationem suam in eo esse, ut totam terram suo subjugaret imperio. Cùm totus conventus ambizioso huic applauderet consilio, imposita fuêre mandata ad mandandum executioni incepta hæc molimina. Ejusmodi ferè fuit Consilium Luciferi, rebellium Angelorum Principis, quod in infernali suo coëgerat palatio. Arrogare mihi mens erat totius dominium mundi, & ab hoc deturbatus sum turpiter à muliere quâdam & quodam puero, Sed illatam tolerare non possum injuriam; meditor ultionem, statim prosequor consilium, & quod exequi non potui per meipsum, omnesque meos, confecturam feliciter me spero per hæreticos, cunctis inferni diabolis longè detiores. Demus mandata ipsorum pluribus, qui suam sub meâ directione impendant operam

Venite, Ebion & Cerinthe, ceteræque primi, mearum estote Ducæ catervatum, primæ velut acies, aut tanquam velites, ac perditorum manus hominum: huic enim provinciæ plurimum vos judico idoneos: Siquidem Ebion est verbum Hebraicum, idem significans, quod *Inferus*: Docete prædicate palam, quod JESUS Christus non nisi simplex sit homo velut alij homines, quodque MARIA pauper ipsius Mater, non nisi sit femina è fræce populi, quæque

non

Judith. 21

Primæ ceteræque ab inferno emissæ fuerunt Ebionitæ.

leferus, cum amplexu nil possit, videri in consilio malitiam hinciam

non magis, quam aliz Matres, sit Virgo: Contendite persuadere hoc cunctis hominibus, & exue-
tis simul Divinitate Filium, & Matrem gloriã, quã dicitur esse Mater Virgo, & Mater veri Dei. Verum est, summè impetuofum primum hunc fuisse assultum; sed aquila mox dissipavit malignam hanc turpium bubonum catervam. Sanctus Joannes, dilectus sanctissimæ Virginis Filius, suum contra ipsos exaravit Evangelium, cujus prima verba: *In principio erat Verbum*, fuerunt tot fulmina, quæ ipsos contriverunt. Mittamus catervas alias, inquit infernus.

JOAN. I.

Seculi hos
sunt Ariani

Ades dum Ari, tu magno polles ingenio, nec minor te inflat ambitio: Contempsit te Alexandria, dum pratulit alium tibi; non patere vindicam injuriam, susque deque verte omnia, & palam annuntia, quod JESUS Christus non sit verus Deus Consubstantialis Patri, & consequenter Mater ipsius non sit vera Mater Dei: Bene hoc mundo persuade, & bene nostra conficies negotia; fabricare arma tibi ex omnibus; impende facundiam, exagita rationes humanas, quas poteris, validissimas, fraudes accumula fraudibus, tuum sit fulcimentum favor principum; tandem omitte nihil omnem move lapidem, quo in tuam trahere possis partem universum orbem. Tam servilem, tamque protervum fuit hoc prælium, ut Sanctus

Hieronymus dicat: *Ingemiscens S. Hieronii orbis terrarum, miratus est se esse Arianum.*

Quis defendet honorem Filij & Matris adversum potentes adeo adversarios? Illa ipsa, quæ tota erat plena Spiritu Sancto; illa ipsa, quæ portabat lumen solis divini in manibus suis, consignat fulmen excommunicationis manibus potestatis Ecclesiasticæ: percussus est Arius anathemate tam terribili, ut, postquam ejectus est in exilium à Constantino Magno, Mundi Imperatore, ipsius libri cum infamiã combusti sint, & ipse semet abominodam suam animam unã cum visceribus, evomerit in cloacam. Hæreses, scilicet infætales, an non sentietis hoc ictus? non contemiscetis deinceps sub potentiã Sanctissimæ Matris Dei? Non nova prorsus movebo illi prælia.

Adeste, Nestori, ementire pietatis induito speciem, ut cencilies tibi coram mundo existimationem; magni enim hic facit auctore vitæ sanctitatem: creditur tibi, & æstimaberis velut Sanctus; simula, honorare te MARIAM, & confidere, ipsam JESU Christi esse Matrem; sed acriter defende, publicè prædica, ubique divulga, ipsam non esse Matrem Dei. Quæ enim verisimilitudo, aliquam Creaturam propriam sui Creatoris esse Matrem? Tu dicere id ausus es, maledicte hæretice, imò

Nestoriani
oppugnant
de novo S.
Virgiam.

imò Hæresiarca, justissimam ex-
perceris vindictam Augustissimæ
Matris Dei; percutieris anathe-
mate à cunctis Patribus univer-
salis Concilii Ephesini; tuo videbis
probro magnificentissimam extrui
eodem in loco Ecclesiam ad illius
honorem, quam inhonorare tu
præsumpsisti; & postquam velut
impietatis monstrum ejectus fue-
ris in horrendum Oasis deser-
tum, lingua tua, quæ tam execran-
das blasphemias proferre haud est
verita, in ore tuo putrefacta de-
vorabitur à vermibus. Nonne
hoc sufficiat, ô hæresis, quod for-
midandam reddat Virginis San-
ctissimæ potentiam? Non; op-
pugabo ipsam adhuc per alios,
qui majori potentia auctoritate.

Veni, Constantine Coprony-
mè, tu Imperator es, ingens tibi
est in mundo potestas, ac major
adhuc impietas & malitia in corde;
perficere tu poteris, quidquid vo-
lueris; obsta omnibus hisce ma-
gnis honoribus, quibus afficitur
MARIA in toto regno tuo: hu-
cusque è populorum mentibus
avelli non potuit fides, ipsam esse
veram Matrem Dei, ipsamque ve-
lut talem furens esse dignam ho-
noribus; permitte, quidquid vo-
luerint, ipsos credere, & fatere
cum illis, quòd quidem, quamdiu
portavit ipsa Filium Dei in utero
suo, omnem promeruerit reve-
rentiam propter illum; sed post-
quam ipsum peperit, facta sit ve-

A. P. Isaac. Consultas. Tom. II.

lut alia mulier, nec majori digna
honore, quàm alia mulieres.

Et ut hoc persuadeas illis de **Baronio**
monstratione prorsus manifesta, **aa. 775a**
accipe bursam, auròque imple
illam; & exin hanc monstrans po-
pulo, quære ex illis, quanti va-
loris sit hæc bursa? dicent tibi,
illam magni esse valoris; exin eva-
cua ipsam, nec quidquam auri ei
amplius relinque; & denuò de-
monstrans illam populo, interro-
ga eos, cujus modò pretii sit hæc
bursa? fatebuntur tibi, non adeò
magni stare illam: ecce ad amuf-
sum, dices, opinionem, quæ for-
manda est de hæc MARIA, quem
tanti æstimatis: quamdiu plena
fuit pretioso hoc auro, quod in-
servijt ad nos redimendam, ni-
miùm vel æstimari, vel honorari
non poterat; sed postquam eva-
cuata illo fuit, non habet quid-
quam magis pretiosum, nec ma-
jorj dignum reverentiâ, quàm alia
Matres.

Quid fecisti, infelix, princeps? **Responde-**
Tu igitur indicere bellum es ausus **tur im-
potentissimæ cæli terræque Regi-
næ? Obsecrate! Ipsa non est
Bursa, quæ solummodò aurum con-
tineat, abs eo, quod illud produ-
cat: Ipsa est Mater Filii Dei, quæ
produxit ex propriâ suâ substan-
tia Filium. quem portavit in sinu
suo. Quando ipsa peperit, non
est bursa, quæ evacuato auro, pau-
per exin remanet; sed ipsa fons
est omnis felicitatis mundi, quæ
lilij hanc**

lilij

hanc

hanc impertitur cunctis mortali-
bus, ita tamen, ne illa privet sei-
psam: Nunquam majores pro-
merita est honores, nec grati ex-
hibitiones animi, quàm postquam
ingenti hoc nos locupletavit be-
neficio; unio Filii & Matris ater-
na erit; relatio utriusque nun-
quam finietur.

Interim vide, infelix Princeps,
quo tua te rapiat impietas; inva-
dere non metuis sinum ipsius Vir-
gineum; vi facta eruere vis ipsi
fructum ventris sui, ut, si poteris,
despicabilem ipsam reddas cun-
ctis mortalibus: senties tandem
fortitudinem brachij ipsius, tuâque
conformis erit pœna tuo Crimi-
ni; sulphureus ignis ad viscera
devorabit te, totum vivum com-
buri te videbis, intra quod quis-
quam eruere te poterit ex hoc in-

condio, cum portaturus sis illud
in medio tui ipsius: in vanum
invocabis misericordiam, quam
nunquam consequeris, sed dolo-
ris vehementiâ actus in rabiem
morieris.

O amantissime Deus! an igi-
tur non satis sit hoc ad percellen-
dum tremore omnes hæreses, to-
tàmque ipsum infernum, à quo
amissæ sunt in orbem? Tot pro-
strati jam inimici, an relinquunt ad-
huc alijs remeritatem, quâ op-
pugnare audeant Sanctissimam
Virginem? Ita, inferni rabies
erga illam nunquam exstinguetur,
hæresesque malitia durabit sem-
per. Nondum vidisti adhuc,
nisi aliquas tantum phalanges; sub-
listamus parum, & sequi conti-
nuabo ordine videbis alias.

* *
*

ARGUMENTUM.

*Alia Hereticorum Legiones declarant se inimi-
cos Sanctissima Virginis, & omnes miserè pereunt.*

ARTICULUS IV.

2. cor. II.
7. 19.

Bene observandum est, sem-
per futuras esse hæreses &
hereticos, cum S. Paulus
luculenter dicit, id necessarium
esse: *Oportet hæreses esse.* Sed
metuendum non est, ut eas unquam
dammum illataras Ecclesiæ, sed
potius hausturam ex iis magnas
utilitates; en tibi earum præcipuas,
quæ patent ad oculum.

Prima est, quod hæresis sit qui-
dam ventus, separans paleam à
bono frumento; quidem ignis
purgans aurum à suis sordibus,
cunctisque impunitatibus; antici-
patum Dei iudicium, dividens hæ-
dos ab agnis, & non nisi fideles
relinquens à dextris, ubi hos com-
plet benedictione, relegans ad
sinistram alios, ubi adhuc in hoc
mun-

Plures uti-
licates, quas
haurit Ec-
clesia ex
opugnatione
hære-
sum,